

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ
გ.შ.№12/22

საქართველოს რეგიონული განვითარებისა და ინფრასტრუქტურის სამინისტრო, წარმოდგენილი მინისტრის პირველი მოადგილე ილია ბეგიაშვილის სახით, შემდგომში - შემსყიდველი, ერთი მხრივ და შპს „თელედა“ მისი დირექტორის ვანო ხმიადაშვილის სახით, შემდგომში - მიმწოდებელი, მეორე მხრივ, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესის მე-3 მუხლის პირველი პუნქტის „ვ“ ქვეპუნქტისა და ადმინისტრაციული ხელშეკრულებით დასაქმებული პირის - ივანე ნონიაშვილის 2022 წლის 18 მარტის № 670-01 მოხსენებითი ბარათის საფუძველზე, ვდებთ ამ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს მიმწოდებლის მიერ შემსყიდველის საჭიროებისათვის ხელშეკრულებაზე თანდართული 2022 წლის 17 მარტის ინვოისი #01/09-ით (Invoice #01/09) წარმოდგენილი სხვადასხვა სახეობის ღვინის მიწოდება (CPV-15930000) – შემდგომში საქონელი.

მუხლი 2. ღირებულება და ანგარიშსწორების წესი

2.1. ხელშეკრულების მთლიანი და ჯამური ღირებულება საქართველოს კანონმდებლობით დადგენილი გადასახადების გათვალისწინებით შეადგენს 930.00 (ცხრაასოცდაათი) ლარს;

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით ეროვნულ ვალუტაში.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტობრივად მიწოდებული საქონლის ღირებულების მიღება-ჩაბარების აქტის წარმოდგენიდან 10 სამუშაო დღის განმავლობაში. მიმწოდებელი უფლებამოსილია შემსყიდველს მოსთხოვოს მიწოდებულ საქონელზე ანგარიშსწორება, სასაქონლო ზედნადებისა და ამ ხელშეკრულების მე-4 მუხლით გათვალისწინებული შესაბამისი მიღება-ჩაბარების აქტის გაფორმების შემდგომ.

2.4. მხარეებს შორის ანგარიშსწორება მოხდება ფაქტიურად მიწოდებული საქონლის შესაბამისად.

2.5. წინამდებარე ხელშეკრულების მე-2 მუხლის 2.1. პუნქტით განსაზღვრული სახელშეკრულებო ღირებულების სრულად აუთვისებლობის შემთხვევაში მიმწოდებელს პრეტენზია არ გააჩნია.

მუხლი 3. საქონლის შესაბამისობა

3.1. ხელშეკრულების პირველი მუხლით გათვალისწინებული საქონელი უნდა შეესაბამებოდეს მსგავსი საქონლისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

3.2. 3.1. პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. საქონლის მიღება-ჩაბარების წესი

4.1. საქონლის მიწოდების ადგილია ქ.თბილისი ალ.ყაზბეგის გაზ.№12, საქართველოს რეგიონული განვითარებისა და ინფრასტრუქტურის სამინისტრო.

4.2. მიწოდებული საქონელი მიღებულად ჩაითვლება შესაბამისი მიღება-ჩაბარების აქტის გაფორმების შემდეგ.

4.3. ამ ხელშეკრულების ძალით მიწოდებული საქონლის შემოწმებას, მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველი ორგანიზაციის შესაბამისი სტრუქტურული ერთეულის - ადმინისტრაციული დეპარტამენტის უფროსი (პირველადი სტრუქტურული ერთეულის ხელმძღვანელი) ან/და ამავე დეპარტამენტის უფროსის მოადგილე (პირველადი სტრუქტურული ერთეულის ხელმძღვანელის მოადგილე) ან/და ამავე დეპარტამენტის მატერიალურ-ტექნიკური უზრუნველყოფის სამმართველოს უფროსი (მეორადი სტრუქტურული ერთეულის ხელმძღვანელი) და ადმინისტრაციული ხელშეკრულებით დასაქმებული პირი - ივანე ნონიაშვილი.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

ა) ხელშეკრულებით ნაკისრი ვალდებულებების შესრულება განახორციელოს ამ ხელშეკრულებით გათვალისწინებული ვადების შესაბამისად;

ბ) საქონლის მიწოდების პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;

- გ) უზრუნველყოს საქონლის მიწოდება ხელშეკრულების გაფორმებიდან 2022 წლის 25 მარტის ჩათვლით;
- დ) მიწოდებულ საქონელზე აღმოჩენილი ნაკლი ან დეფექტი გამოსწოროს 5 სამუშაო დღის განმავლობაში;
- ე) ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოების შესახებ;
- ვ) შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

5.2. შემსყიდველი ვალდებულია:

- ა) უზრუნველყოს უფლებრივად და ნივთობრივად უნაკლო ნივთის მიღება.
- ბ) შეუფერხებლად აუნაზღაუროს მიმწოდებელს მიწოდებული საქონლის ღირებულება ამ ხელშეკრულებით გათვალისწინებული ვადების შესაბამისად;
- გ) მიმწოდებელთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1. ხელშეკრულების პირობების შეუსრულებლობის ან არაჯეროვანი შესრულების შემთხვევაში, დამრღვევ მხარეს განესაზღვრება ვალდებულების შესრულებისათვის დამატებით გონივრული ვადა (2 სამუშაო დღე), ხოლო ასეთი ვადის უშედეგოდ გასვლის შემდგომ დამრღვევ მხარეს ეკისრება პირგასამტეხლო წინამდებარე ხელშეკრულების საერთო ღირებულების 0,1 (ნული მთელი ერთი) პროცენტის პროცენტის ოდენობით, მოთხოვნის წაყენებიდან არაუგვიანეს 14 საბანკო დღეში და უზრუნველყოს დარღვევის დაუყოვნებლივ გამოსწორება.

7.2 საქონლის მიწოდების ვადის დარღვევის შემთხვევაში, შემსყიდველი დამატებით განუსაზღვრავს მიწმოდებელს ვალდებულების შესასრულებლად გონივრულ ვადას 2 სამუშაო დღეს, ხოლო ასეთი ვადის უშედეგოდ გასვლის შემდგომ მიმწოდებელს ეკისრება პირგასამტეხლო ყოველ ვადაგადაცილებულ დღეზე წინამდებარე ხელშეკრულების საერთო ღირებულების 0,1 (ნული მთელი ერთი) პროცენტის ოდენობით.

7.3 ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა წინამდებარე ხელშეკრულებით გათვალისწინებულ ვალდებულების შესრულების საერთო ვადას შემსყიდველი დამატებით განუსაზღვრავს მიწმოდებელს ვალდებულების შესასრულებლად გონივრულ ვადას 2 სამუშაო დღეს, ხოლო ასეთი ვადის უშედეგოდ გასვლის შემდგომ მიმწოდებელს ეკისრება პირგასამტეხლო ყოველ ვადაგადაცილებულ დღეზე წინამდებარე ხელშეკრულების საერთო ღირებულების 0,1 (ნული მთელი ერთი) პროცენტის ოდენობით.

7.4.წინამდებარე ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო წინამდებარე ხელშეკრულების საერთო ღირებულების 0,27 (ნული მთელი ოცდაშვიდი) პროცენტის ოდენობით.

მუხლი 8. ინსპექტირება

8.1. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს მიწმოდებული საქონლის ხარისხის ინსპექტირება.

8.2.ინსპექტირებისას ხილვადი დეფექტის, ნაკლის ასევე უხარისხო მიწმოდებული საქონლის აღმოჩენის შემთხვევაში ინსპექტირების განმახორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

8.3.ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს არმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება შეცვლა.

8.4.გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის

შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);
გ) მიმწოდებლის ქონებას დაედო ყადაღა;
დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

მუხლი 10. სხვა პირობები

10.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2022 წლის 30 აპრილის ჩათვლით.

10.2. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

10.3. არც ერთ მხარეს არ აქვს უფლება გადასცეს მესამე პირს თავის უფლებები და მოვალეობები, მეორე მხარის წერილობითი თანხმობის გარეშე.

10.4. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.5. იმ შემთხვევაში, თუ ხელშეკრულებით ნაკისრი ვალდებულებების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში.

10.6. წინამდებარე ხელშეკრულების პირობების ნებისმიერი ცვლილება უნდა გაფორმდეს ქართულ ენაზე, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.7. ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 11. მხარეთა რეკვიზიტები და ხელმოწერები:

შემსყიდველი:

საქართველოს რეგიონული განვითარებისა და ინფრასტრუქტურის სამინისტრო, მის. საქართველო, თბილისი, ალ. ყაზბეგის გამზ. №12, საიდენტიფიკაციო კოდი 204 564 845, სახელმწიფო ხაზინა, ანგარიშის № GE24NB0330100200165022, კოდი TRESGE22.

ხელმოწერა ----- ილია ბეგიაშვილი

მიმწოდებელი:

შპს „თელედა“, მის. საქართველო, თელავის მუნიციპალიტეტი, სოფ. სიკისხევი, სს „თიბისი ბანკის“, ბანკის კოდი TBCBGE22, ანგარიშის №GE84TB7601536020100003, საიდ.კოდი 400048747.

ხელმოწერა ----- ვანო ხმიადაშვილი



TELEDA

თ ე ლ ე დ ა

Invoice #01/09

17/03/2022

To: საქართველოს რეგიონული განვითარებისა და ინფრასტრუქტურის სამინისტრო
ს/კ 204564845

#	პროდუქტი	რ-ბა ბოთლი	რ-ბა ყუთი	ერთ. ფასი (ლარი)	თანხა (ლარი)
1	რქაწითელი 2019	12	2	25	300
3	საფერავი 2020	12	2	25	300
4	პორტვინი საფერავი 2017	6	1	55	330
					სულ 930

საბანკო მონაცემები:

თიბისი ბანკი,

ანგარიში:

TBCBGE 22

GE84TB7601536020100003

შპს თელედა, ს/კ 400048747

დირექტორი: ვანო ხმიადაშვილი

